

清・光緒二十八年刊本影印

皇朝掌故輯要
(二)

清・林熙春輯

華文書局股份有限公司印行

中華民國五十九年五月初版

皇朝掌故輯要
(精裝二冊)

售價：
國內：新台幣六百元
國外：美金十五元

發行人：薛 頌 留

發行所：華文書局股份有限公司

台北市南昌街一段七十二號
電話：三 六 二 六 三 五 號

印刷者：華文書局股份有限公司

台北市南昌街一段七十二號
電話：三 六 二 六 三 五 號

版權所有

內政部登記證內版台業字第一五四六號

國朝掌故輯要卷之十一

高宗純皇帝

上諱上一字从弓从厶下一字从麻从日 世宗第四子 母 孝聖憲皇后鈕祜祿氏以康熙辛卯八月十三日子時生 雍和宮六齡受書於庶吉士福敏年十二 聖祖以愛蓮說試之誦解融徹稱爲有福之人又曰是命貴重福將過予在位六十年

廟乾隆元年春正月癸亥 上謁 昭西陵 孝陵 孝東陵 景陵禮成○二月 諭治道

諭治道畧曰治道貴乎得中矯枉不可過正朕纘承統

緒止欲明作有功以幾情大成裕之治近覘諸臣奉行漸有錯會朕旨而趨於怠弛之意朕滋懼焉天下之事有一利必有一害凡入之情有所矯必有所偏是以中道最難子莫執中乃楊墨之中非義理之中也必隨時隨事以義理爲權衡而得其中乃可以類萬物之情成天下之務故寬非縱弛之謂嚴非刻薄之謂朕惡刻薄之有害於民生亦惡縱弛之有妨於國事

訓迪言官

訓迪言官 諭畧曰謝濟世請用其自註學庸易朱子章句頒行天下獨不自揣己與朱子分量隔如雲泥而

肆口詆毀狂悖已極且謂明代以同鄉同姓尊崇朱子之書則直如爨下老婢陳說古事雖鄉里小兒亦將聞而失笑也李徽欲以孝經與四書並列爲五立義支離於宋元大儒所論孝經源流離合曾未寓目即欲變亂歷代論定列於學宮數百年不易之舊章亦不自量之甚矣至在任守制事本不可常行考之禮記諸侯既葬王政入於國大夫士既葬公政入於家故戴德喪服變除言古者壓降之服其居處飲食哭泣思慕一如其常期蓋禮有以權而制者苟能自盡居喪之實心亦可無憾也今薄海奏請勒令從前在任守制者雖喪期既滿

仍令解任追服朕令羣臣守制者原以行於將來非以論其既往且時過事遠而勒令衰經三年於傳所謂喪事卽遠之義亦未有當至配饗孔廟典至重也陳世倌連舉數人無乃輕率又請修準噶爾方畧凡此皆無當於實用而有關於國體夫此數人者皆輿論所推爲讀書人故不得不明白宣示

三月戊午頒 聖祖仁皇帝 御製書於太學○夏四月

戊子 賜金德瑛等及第○六月先蠶壇成○秋七月甲

午 密建 儲貳

遵 世宗憲皇帝成法 親書 建儲 密旨收藏於

乾隆宮正大光明匾額之後

定五等世職

照漢文改精奇尼哈番爲子阿思哈尼哈番爲男阿達
哈哈番爲輕車都尉仍各分等拜他喇布勒哈番爲騎
都尉拖沙喇哈番爲雲騎尉

追謚明建文爲恭閔惠皇帝○文淵閣大學士陳元龍卒
元龍字廣陵海甯人陳詵從弟陳世倌之叔謚文簡

九月試博學鴻詞於保和殿

試題五六天地之中合賦授劉綸潘安禮諸錦于振杭
世駿陳兆崙劉玉麟夏之蓉周長發程恂楊度汪沈廷

芳汪士鋐陳士璠齊召南等十五員編檢庶吉士有差
文華殿大學士朱軾率

軾字可亭江西高安人謚文端

禮部尙書楊名時卒

名時字賓實江蘇江陰人愛講學論聖德以無名爲大
論從政以不貪爲美篤信李光地方苞之學謚文定

冬十月大兵平定苗疆

先是大學士鄂爾泰以苗疆改土歸流尋鄂爾泰巡視
巴里坤轉高其倬雲廣總督授尹繼善雲貴廣西總督
方是時台拱上下九股苗未平也巡撫元展成輕視苗

臺與提督哈元生意見不合刑部尙書張照密奏改流
非策意主棄置文移辨駁以至大兵雲集師久無功
至是授張廣泗雲貴總督經畧三甯牛皮大箭一戰北
丹江南古州西都勻八寨東清江台拱凡數百里皆克
復蓋自剖判以來撻伐之功以是役爲最諭畧曰苗
疆一事卿料理得宜處朕筆不能宣惟有深慶得人耳
又曰此次平定苗疆實賴卿忠勇素著才智兼全用能
膚功克奏永靖妖氛了皇考未了之聖心成青史
難成之功業所予騎都尉世職無庸辭至治苗之法著
仍其苗習而順導之

壬戌至乙丑卿雲見○詔蠲免甘肅錢糧○十一月以

徐本爲東閣大學士以孫嘉淦爲刑部尚書

○乾隆二年春二月訓迪御史薛馥

諭御史薛馥條奏內有限田一條斷不可行又稱起居
注冊檔不應進呈御覽人之譌傳也蓋人君政事言動
萬國觀瞻若有闕失豈能禁人之不書倘自信無他又
何必觀其記載當時唐太宗索觀記注朕方以爲非豈
肯躬自蹈之乎

停榜後保舉庶吉士及改用額外主事例○庚午恭繕

世宗憲皇帝上諭告成○三月庚寅葬泰陵以孝

敬憲皇后祔

陵在易州東至順天府涿州界七十里北至順天府房山縣界一百三十里自州治至京師二百二十里秦以前屬宣化府雍正十一年升爲直隸州屬直隸省有涿水廣昌二縣易水在州南所謂西陵是也

夏四月甲戌祀天於圜丘恭奉世宗憲皇帝配享

○詔釋岳鍾琪○加允祿允禔公爵空銜○五月辛卯

賜于敏中等及第○詔刊刻五朝聖訓頒示臣庶

諭畧曰列祖實錄聖訓皆藏之金匱石室廷臣

罕得見者朕思列祖聖訓謨烈昭垂不獨貽謀

於子孫亦且示訓於臣庶自應刊刻頒示俾人人知所
法守應將閱過之 聖訓陸續交與武英殿敬謹刊刻
詔編纂農書

諭略曰農桑爲邦治之本我 皇祖曾繪耕織圖 皇
考屢下勸農詔親耕藉田朕思耒耜樹藝皆原於上古
其播種耕耨與夫備早驅蝗之術散見經傳宜薈萃成
書著南書房翰林武英殿翰林編纂農書進御

辛亥祭 地於 方澤恭奉 世宗憲皇帝配宮○秋九
月壬辰建 世宗憲皇帝 聖德 神功碑於 泰陵○
詔 大成門 大成殿用黃瓦 崇聖祠用綠瓦○復元

儒吳澄從祀 文廟○命州縣以下官養廉就近坐支○
閏九月以尹繼善爲刑部尙書○除江西袁州饒州維稅
減南昌等三十二縣茶課○冬十一月命大學士鄂爾泰
張廷玉尙書訥親海望侍郎納延泰班第爲軍機大臣○
十二月乙亥冊立 嫡妃富察氏爲 皇后○授大學士
張廷玉鄂爾泰三等伯爵

乾隆三年春正月以福敏爲武英殿大學士○二月果
親王允禮薨諡曰毅○以 皇六弟宏瞻襲封果親王○
上御經筵以後歲以爲常○上親耕藉田以後歲以爲常三月以先賢
有子升配哲位○夏六月定主考就道限期

諭略曰向例外省主考聞命就道 皇考念其辦理行裝未免忙迫近聞奉差諸臣起身甚遲有至十餘日外者殊非遠嫌之意著禮部酌定日期著爲定例尋議雲南四川貴州廣東廣西福建湖南七省以十日爲限浙江江西湖北陝西江南五省以七日爲限河南山東山西三省以五日爲限逾限參奏從之

頒鐵斛○予唐儒韓愈後裔世襲五經博士○秋九月裁浙江總督復設閩浙總督○大學士尹泰卒

諡文恪

○冬十月

辛卯

皇太子永璉薨

諭畧曰永璉乃

皇后所生朕之嫡子爲人聰明貴重

器宇不凡當日蒙 皇考命名爲永璉隱然以示承宗
器之意朕御極後於元年七月初二日親書密旨冊立
爲皇太子今偶患寒疾遂致不起朕心深爲悲悼一切
典禮著照皇太子儀注諡端慧

戶部尙書三等男爵高其倬卒

其倬字章之號芙沼世居鐵嶺漢軍旗人高天爵之姪
相度 福陵又相定易州 陵寢地諡文良

直隸總督李衛卒

衛字又玠江蘇銅山人論稱才猷幹練實心辦事封疆
累任宣力多年勇往直前無所瞻顧諡敏達

十一月立算學○十二月文華殿大學士稽曾筠卒

曾筠字松友號禮齋江蘇長洲人晉侍中稽紹之後治河功最謚文敏稽璜卽其子也

耗乾隆四年春正月 賜宴 乾清宮

上御 乾清宮西暖閣召翰林科道王大臣督撫學政在京者九十九人 賜宴賦柏梁體詩 御製序言

辛酉 皇四子永璘生○以趙國麟字仁甫山東泰安人爲大學士○

三月命吏部尙書公訥親協辦大學士○夏四月辛巳賜莊有恭等及第○五月大學士馬齊卒

馬齊米思翰之子也歷相三朝年逾大耋謚文穆